



BIBLE STUDY

Nehemias 5:1-19

February 04-11

PAGTUKLAS

PAG-UNAWA

PAGTUGON



MAHALAGANG

Prinsipyo sa Buhay

Nehemias 5:1-19



PAGTUKLAS



PAG-UNAWA



PAGTUGON

Nehemias 5:1-19

Magandang Balita Biblia

Pang-aapi sa Mahihirap

Dumating ang panahon na ang mga mamamayan, lalaki man o babae, ay nagreklamo laban sa kanilang kapwa Judio. 2 Sinabi ng ilan, “Malaki ang aming pamilya at kailangan namin ng trigong makakain upang mabuhay.” 3 Sinabi naman ng iba na nakapagsangla sila ng kanilang mga bukirin, ubasan at mga bahay, huwag lamang silang magutom. 4 May nagsasabi namang, “Nakapangutang kami makapagbuwis lamang sa hari para sa aming mga bukirin at ubasan.



Nehemias 5:1-19

Magandang Balita Biblia

5 Kami'y mga Judio rin at ang mga anak namin ay tulad din ng kanilang mga anak! Ngunit ipinapaalila namin ang aming mga anak. Sa katunayan, ang ilan sa mga anak naming babae ay naipagbili na namin para maging alipin. Wala kaming magawâ sapagkat ang aming mga bukirin at ubasan ay kinamkam na sa amin.”

6 Labis akong nagalit nang marinig ko ang mga reklamong ito. 7 Nagpasya akong harapin ang mga pinuno at mga hukom. Pinaratangan ko sila ng ganito: “Ano't nagawa ninyong magpautang nang may tubo sa inyong mga kababayan?”



Nehemias 5:1-19

Magandang Balita Biblia

Kaya't tinipon ko ang mga tao sa isang pangkalahatang pulong. 8 Sinabi ko, “Sinikap nating mapalaya ang ating kapwa-Judio na naipagbili sa ibang bansa. Ngayon nama'y kayo ang nanggigipit sa kanila upang ipagbili ang kanilang sarili sa inyo na mga kapwa nila Judio!” Hindi makapagsalita ang mga pinuno. 9 “Mali ang inyong ginagawa,” patuloy ko. “Dapat kayong matakot sa Diyos at gumawa nang mabuti upang hindi tayo hamakin ng mga pagano.



Nehemias 5:1-19

Magandang Balita Biblia

10 Ang mga kababayan nating nagigipit ay pinahiram ko na ng salapi at pagkain. Ganoon din ang ginawa ng aking mga kamag-anak at mga tauhan. Huwag na natin silang pagbayarin ng interes ng kanilang pagkakautang. 11 Ngayon di'y ibalik ninyo ang mga bukirin at ubasan sa mga may utang sa inyo, pati ang kanilang mga taniman ng olibo, at tahanan. Ibalik din ninyo ang naging interes ng perang ipinahiram ninyo, gayundin ang mga trigo, alak at langis na ipinahiram ninyo sa kanila.”



Nehemias 5:1-19

Magandang Balita Biblia

12 “Ibabalik namin ang lahat ng iyon sa kanila,” sagot nila. “Hindi na namin sila sisingilin. Tutuparin namin ang hinihingi mo.” Ipinatawag ko ang mga pari at pinanumpa sa harap nila ang mga pinuno upang tuparin ng mga ito ang kanilang pangako. 13 Ipinagpag ko ang aking kasuotan at sinabi ko, “Ganyan nawa ang gawin ng Diyos sa mga ari-arian ng mga taong hindi tumupad sa kanyang pangako. Ipagpag din sana silang tulad nito at maghirap.” Lahat ng naroo'y sumang-ayon at sinabi, “Mangyari nawa ang sinabi ninyo.” Pinuri nila si Yahweh at tinupad ng mga tao ang kanilang pangako.



Nehemias 5:1-19

Magandang Balita Biblia

Si Nehemias ay Hindi Makasarili

14 Sa loob ng labindalawang taon na naglingkod ako bilang gobernador ng Juda, mula nang ika-20 taon ng paghahari ni Artaxerxes hanggang ika-32 taon, ako, ni ang aking mga kamag-anak ay hindi kumain ng pagkaing nauukol sa gobernador. 15 Ang mga naunang gobernador sa Juda ay naging pabigat sa mga tao na hinihingan nila ng pagkain at ng alak bukod pa sa apatnapung pirasong pilak. Maging ang mga katulong nila'y katulong din sa pagpapahirap. Ngunit hindi ko ginawa iyon, sapagkat ako'y may takot sa Diyos.



Nehemias 5:1-19

Magandang Balita Biblia

16 Ginawa ko ang lahat upang muling maitayo ang pader sa tulong ng aking mga tauhan. Hindi ako naghangad ng anumang ari-arian. 17 Ako'y laging nagpapakain ng 150 panauhing Judio, gayundin ng aming mga pinuno bukod sa mga taong dumarating mula sa mga malalapit na bansa. 18 Araw-araw ay nagpapakatay ako ng isang toro, anim na matatabang tupa, at maraming manok at tuwing ikasampung araw ay naglalabas ako ng maraming alak. Sa kabila ng lahat ng ito, hindi ko pa rin kinuha ang pagkaing nauukol sa gobernador, sapagkat alam kong ang mga tao'y naghihirap. 19 Alalahanin mo ako, O Diyos, sa lahat ng aking ginawa alang-alang sa sambayanang ito.





MAHALAGANG

Prinsipyo sa Babay

Nehemias 5:1-19



**"Tulad ni Nehemias,
ipagtatanggol ko ang mga
naaapi at magiging
mapagbigay sa pagtulong sa
mga taong na gumagawa ng
gawain ng Diyos."**



Sa mga talata 1-5, ano ang reklamo ng ilan sa mga Judio labas sa kanilang mga kapwa Judio noong panahon ng muling pagtatayo ng mga pader sa Jerusalem?

PAGTUKLAS

Nehemias 5:1-19

1

Ano ang reaksiyon ni
Nehemias nang marinig
niya ang kanilang mga
daing?



PAGTUKLAS

Nehemias 5:1-19

2

Sa mga talata 12-23,
ano ang naging tugon
ng mga tao sa
pagsaway ni Nehemias
sa kanila?




PAGTUKLAS

Nehemias 5:1-19

3

Sa mga talata 14-18, isinalaysay ni Nehemias na sa loob ng 12 taon na siya ay gobernador ng Juda, hindi niya sinamantala ang mga tao; at hindi niya kinuha ang kanyang food allowance dahil mabigat na ang pasanin ng mga tao. Ano sa palagay mo ang mga dahilan niya sa ganoong mga kilos?

1



PAG-UNAWA

Nehemias 5:1-19

Ano pa ang mga halimbawa na
ipinakita ni Nehemias
tungkol sa pagtatanggol
sa mga naaapi at pagiging
bukas-palad sa pagtulong
sa mga taong naglilingkod
sa Diyos?

2

PAG-UNAWA

Nehemias 5:1-19



Sa anong paraan nagsisilbing modelo sa pagtataguyod ng hustisyang panlipunan ang pagbibigay diin ni Nehemias sa pananagutan at patas na pakikitungo sa mga transaksyong pang-ekonomiya, at paano maaaring ipatupad ang mga alintuning ito sa kontemporaryong konteksto upang matugunan ang hindi pagkakapantay-pantay ng mga tao?



PAG-UNAWA

Nehemias 5:1-19

Kailan mo huling ipinagtanggol ang mga naaapi, at ano ang mga dahilan mo sa paggawana nito? Ibahagi ang iyong karanasan sa iyong grupo.



PAGTUGON

Nehemias 5:1-19

1

Paano mo maipapakita ang iyong kagandahang loob sa mga nangangailangan ng tulong, lalo na sa mga gumagawa ng gawain ng Diyos bilang mga pastor, missionary, ministry leader, at volunteer?



PAGTUGON **2**
Nehemias 5:1-19

Anong mga konkretong hakbang ang maaaring gawin upang matiyak na ang mga transaksyong pinansyal at mga gawi sa ekonomiya ay umaayon sa mga pagpapahalaga ng pagkakapantay- pantay at katarungang panlipunan, na kumukuha ng inspirasyon mula sa Nehemias 5?



PAGTUGON 3

Nehemias 5:1-19



MAHALAGANG

Prinsipyo sa Bukay

Nehemias 5:1-19



"Tulad ni Nehemias,
ipagtatanggol ko ang mga
naaapi at magiging
mapagbigay sa pagtulong sa
mga taong na gumagawa ng
gawain ng Diyos."





MAHALAGANG

Prinsipyo sa Buhay

Nehemias 5:1-19



PAGTUKLAS



PAG-UNAWA



PAGTUGON

Small Group Sessions
CLOSING PRAYER



BIBLE STUDY

Nehemias 5:1-19

See You Next Week

PAGTUKLAS

PAG-UNAWA

PAGTUGON



KBCF

#4 11th Jamboree Street, Sacred Heart, Quezon City, Philippines

Worship Service Schedule: 9am

Livestream: Facebook and YouTube